

Na osnovu člana 16. stav (4) Zakona o naučnoistraživačkom radu („Službene novine Tuzlanskog kantona“, broj: 14/18, 8/21, 16/22, 9/23, 3/24, 2/25 i 18/25), člana 79. stav (2) Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25), i Odluke o utvrđivanju programa iz oblasti naučnoistraživačkog rada i tehnološkog razvoja koji će se finansirati ili sufinansirati iz Budžeta Tuzlanskog kantona za 2026. godinu (broj: 10/1-35-000670-3/26 od 17.3.2026. godine), ministar obrazovanja i nauke Tuzlanskog kantona uz prethodnu saglasnost Vlade Tuzlanskog kantona, broj: 02/1-35-670-8/26 od 17.3.2026. godine, donosi

O D L U K U

o utvrđivanju uvjeta, kriterija i postupka dodjele sredstava za program obezbjeđivanje i održavanje naučnoistraživačke opreme i prostora za naučnoistraživački rad

I – OPĆE ODREDBE

Član 1.

(Predmet)

Ovom odlukom utvrđuju se uvjeti, kriteriji i postupak dodjele sredstava iz Budžeta Tuzlanskog kantona za finansiranje ili sufinansiranje programa obezbjeđivanja i održavanja naučnoistraživačke opreme i prostora za naučnoistraživački rad.

Član 2.

(Finansijska sredstva)

(1) Sredstva za finansiranje ili sufinansiranje programa osiguravaju se u Budžetu Tuzlanskog kantona za 2026. godinu na poziciji „24010019 – Nauka“.

(2) Prilikom raspodjele sredstava iz stava (1) ovog člana uzet će se u obzir potrebe i interesi naučnoistraživačkog razvoja Tuzlanskog kantona, potrebe i interesi naučnoistraživačkog razvoja univerziteta i drugih naučnoistraživačkih ustanova, kao i razvoj naučnoistraživačke djelatnosti, a u skladu sa Strategijom razvoja Federacije Bosne i Hercegovine 2021.-2027. godine, Strategijom razvoja Tuzlanskog kantona za period 2021.-2027. godina, te drugim sektorskim strategijama i strategijama razvoja lokalnih zajednica na području Tuzlanskog kantona, kao i drugim strateškim dokumentima na državnom i međunarodnom nivou.

(3) Za finansiranje ili sufinansiranje programa iz stava (1) ovog člana za 2026. godinu odobrit će se sredstva u iznosu od 250.000,00 KM.

(4) Maksimalan iznos traženih i odobrenih sredstava za finansiranje ili sufinansiranje po jednom projektnom prijedlogu može biti do 100.000,00 KM.

II – UVJETI I KRITERIJI ZA DODJELU SREDSTAVA

Član 3.

(Uvjeti za finansiranje ili sufinansiranje)

(1) Uvjeti za finansiranje ili sufinansiranje troškova za projekte u okviru programa obezbjeđivanja i održavanja naučnoistraživačke opreme i prostora za naučnoistraživački rad su:

- da je podnosilac projekta upisan u Registar naučnoistraživačkih organizacija zaključno sa danom objave javnog poziva,
- da je predloženi projekat u funkciji naučnoistraživačkog rada registrovane naučnoistraživačke organizacije,

(2) Ministarstvo neće finansirati ili sufinansirati projekte za koje su u cjelokupnom iznosu obezbijedena sredstva iz drugih izvora, projekte za koje tražena vrijednost finansiranja od strane Ministarstva prelazi iznos iz člana 2. stav (4) ove Odluke i projekte koji ostvare manje od 50 bodova u skladu sa kriterijima iz stava (3) ovog člana.

(3) Kriteriji za bodovanje projekata za program obezbjeđivanja i održavanja naučnoistraživačke opreme i prostora za naučnoistraživački rad i način bodovanja su sljedeći:

a) aktuelnost projekta i povezanost sa strateškim dokumentima iz člana 2. ove Odluke (maksimalan broj bodova po ovom kriteriju: 15 bodova)

- na lokalnom nivou 3 bodova
- na kantonalnom nivou 5 bodova
- na federalnom nivou 7 bodova
- na državnom nivou 10 bodova
- na međunarodnom nivou 15 bodova.

b) opravdanost i funkcionalna potreba za opremom (maksimalan broj bodova po ovom kriteriju: 25 bodova)

- jasno obrazložena potreba za opremom do 10 bodova
- nepostojanje ili zastarjelost postojeće opreme do 10 bodova
- povezanost opreme sa konkretnim NIR aktivnostima do 5 bodova

c) obim korištenja i dostupnost opreme (maksimalan broj bodova po ovom kriteriju: 20 bodova)

- broj istraživača koji će koristiti opremu do 10 bodova, i to:
 - 1–3 istraživača 2 boda
 - 4–6 istraživača 4 boda
 - 7–10 istraživača 6 bodova
 - 11–15 istraživača 8 bodova
 - više od 15 istraživača 10 bodova
- višekorisnička / zajednička upotreba do 10 bodova, i to:
 - opremu koristi jedan istraživački tim unutar institucije 3 boda
 - opremu koristi više istraživačkih timova unutar iste institucije 6 bodova
 - oprema je dostupna i drugim institucijama / organizacionim jedinicama na osnovu interne odluke ili sporazuma 10 bodova;

d) održivost i kapaciteti za korištenje opreme (maksimalan broj bodova po ovom kriteriju: 20 bodova)

- osigurano održavanje i servis do 8 bodova, i to:
 - nema dokaza o osiguranom održavanju 0 bodova
 - planirano održavanje bez obezbijeđenih sredstava 3 boda
 - obezbijeđena sredstva za redovno održavanje i servis 6 bodova
 - ugovor o servisiranju ili proizvođačka podrška 8 bodova
- osigurani kadrovski kapaciteti za rad na opremi do 7 bodova, i to:
 - nema obučenog kadra 0 bodova
 - jedan obučen istraživač / tehničar 3 boda
 - dva ili više obučenih istraživača / tehničara 5 bodova
 - obezbijeđena kontinuirana obuka i transfer znanja 7 bodova
- plan dugoročnog korištenja do 5 bodova
 - plan korištenja do 3 godine 2 boda
 - plan korištenja od 3 do 5 godine 4 boda

plan korištenja duži od 5 godine 5 bodova
e) referentnost aplikanta u smislu realiziranih projekata iz različitih segmenata naučnoistraživačkog rada (naučnoistraživački projekti, stručni projekti, komercijalni projekti), (maksimalan broj bodova po ovom kriteriju: 10 bodova)

- za svaki realiziran naučnoistraživački projekat po 5 bodova
- za svaki realizirani stručni i komercijalni projekat po 3 boda

f) obezbijedena sredstva iz drugih izvora (maksimalan broj bodova po ovom kriteriju: 10 bodova)

- obezbijedena sredstva u iznosu do 10% od vrijednosti projekta 3 boda
- obezbijedena sredstva u iznosu od 11% do 30% vrijednosti projekta 6 bodova
- obezbijedena sredstva u iznosu od 31% do 50% vrijednosti projekta 10 bodova.

(4) Maksimalan broj bodova koje projekat može ostvariti je 100 bodova.

(5) Ministarstvo dodjeljuje, u skladu sa finansijskim mogućnostima, sredstva za finansiranje ili sufinansiranje programa obezbjeđivanja i održavanja naučnoistraživačke opreme i prostora za naučnoistraživački rad u dijelu koji se odnosi na sljedeće troškove:

- troškove nabavke opreme za provođenje istraživanja, računarske opreme, hemikalija i softvera,
- troškove akreditacije i certificiranja laboratorija,
- troškove adaptacije prostora u smislu obezbjeđivanja uvjeta za provođenje naučnoistraživačkog rada.

(6) Uz popunjen prijavni obrazac za finansiranje ili sufinansiranje prijedloga projekta potrebno je priložiti:

- a) saglasnost za prijavu projekta od strane nadležne naučnoistraživačke organizacije upisane u Registar;
- b) potvrdu nadležne naučnoistraživačke organizacije da projekat nije u potpunosti finansiran iz drugih izvora;
- c) specifikacija potrebne opreme, sa tačnim nazivom opreme ili dijela opreme za koji se traže finansijska sredstva; vrijednost navedene opreme ili dijela opreme mora biti u skladu sa planiranim sredstvima Ministarstva za ove namjene i ne smije prelaziti vrijednost navedenu u pozivu;
- d) u slučaju da je projekat vezan za akreditaciju laboratorija odvojeno prikazati troškove nabavke opreme i hemikalija, od troškova akreditacije (standardi, audit, interni audit, umjeravanje uređaja itd.);
- e) dokaz o visini finansijskog učešća naučnoistraživačke organizacije ili drugih relevantnih subjekata, sa navedenim iznosom i procentom od ukupne vrijednosti opreme (ugovor/sporazum sa privrednim društvom, drugom naučnoistraživačkom organizacijom, ili drugim subjektom, sa jasno navedenim iznosom obezbjeđenih sredstava, izjava o vlastitom finansiranju dijela troškova, potvrda/izjava naučnoistraživačke organizacije o iznosu i namjeni obezbjeđenih sredstava);
- f) ponude isporučilaca hemikalija, ponude za opremu koja se traži, odnosno premjer, specifikaciju i predračun radova ukoliko se radi o adaptaciji prostora za naučnoistraživački rad;
- g) identifikacioni broj institucije i spesimen potpisa sa brojem žiro računa, odnosno naziv banke i broj žiro računa pravnog lica kod banke i filijala (za pravna lica fakultet/univerzitet), osim za institucije koje su u sistemu trezorskog poslovanja.

III – POSTUPAK DODJELE SREDSTAVA

Član 4.

(Raspisivanje javnog poziva)

- (1) Sredstva iz člana 2. ove Odluke dodijelit će se putem javnog poziva.
- (2) Odluku o raspisivanju javnog poziva za raspodjelu planiranih budžetskih sredstava sa budžetske pozicije 24010019 - "Nauka" za program obezbjeđivanja i održavanja naučnoistraživačke opreme i prostora za naučnoistraživački rad donosi Ministarstvo.
- (3) Tekst javnog poziva utvrđuje Ministarstvo.
- (4) Tekst javnog poziva se objavljuje na zvaničnoj web stranici Ministarstva, od kada počinje teći rok za predaju dokumentacije.
- (5) Javni poziv iz stava (4) ovog člana informativno se objavljuje i na web stranici Vlade Kantona, ali objava na veb stranici Vlade Kantona ne utiče na tok trajanja roka za predaju dokumentacije.
- (6) Javni poziv ostaje otvoren 30 dana od dana objavljivanja na web stranici Ministarstva.

Član 5.

(Prijava na javni poziv)

- (1) Prijave na javni poziv sa potrebnom dokumentacijom podnose se Ministarstvu u roku utvrđenom tekstom Javnog poziva.
- (2) Prijava na javni poziv se vrši putem odgovarajućeg prijavnog obrasca, koji se može preuzeti na veb stranici Ministarstva i Vlade Kantona.
- (3) Kandidat je uz popunjen prijavni obrazac obavezan dostaviti i dokumentaciju propisanu članom 3. ove Odluke.

Član 6.

(Imenovanje i sastav komisije)

- (1) Proceduru po javnom pozivu provodi komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 15 dana od dana isteka roka za podnošenje prijave na konkurs.
- (2) Komisija za provođenje procedure po javnom pozivu ima pet članova, od čega su dva predstavnika Ministarstva i tri predstavnika registrovanih naučnoistraživačkih organizacija, koje predlaže Kantonalni savjet za nauku i tehnologiju.
- (3) Komisija za svoj rad odgovara ministru.
- (4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.
- (5) Članovi Komisije prije početka rada potpisuju izjavu o povjerljivosti podataka.
- (6) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od kriterija, utvrditi konačan broj bodova po svim kriterijima, te predložiti iznos sredstava za dodjelu i najkasnije u roku od 30 dana od dana isteka roka za podnošenje prijave na konkurs sačiniti jedinstvenu rang listu i istu objaviti na veb stranici Ministarstva.
- (7) Rang lista kandidata obavezno sadrži:
 - a) osnovne podatke o aplikantu,
 - b) broj bodova po svakom od utvrđenih kriterija,
 - c) ukupan broj bodova po svim kriterijima,
 - d) predloženi iznos sredstava za dodjelu i

e) pouku o pravnom lijeku sa tačno naznačenim rokom za ulaganje prigovora.

(8) Neblagovremene i nepotpune prijave Komisija neće uzimati u razmatranje, a aplikanti se o istom obavještavaju sačinjavanjem posebne liste.

Član 7.

(Postupak po prigovoru i donošenje konačne rang liste)

(1) Na liste iz člana 6. stavovi (6) i (8) ove odluke, nezadovoljni kandidati mogu podnijeti prigovor u roku od osam dana od dana objavljivanja listi na web stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 8 dana od dana isteka roka za podnošenje prigovora.

(4) Nakon okončanja postupka po prigovorima ministar utvrđuje konačnu rang listu dobitnika sredstava, i istu objavljuje na web stranici Ministarstva.

(5) Na osnovu rang liste iz stava (4) ovog člana ministar donosi Program raspodjele sredstava, uz saglasnost Vlade Kantona.

(6) Na osnovu programa iz stava (5) ovog člana ministar donosi pojedinačne odluke o odobravanju sredstava, u skladu sa operativnim sredstvima u Budžetu Tuzlanskog kantona za 2026. godinu na budžetskoj poziciji 24010019- Nauka.

(7) Na osnovu odluka iz stava (6) ovog člana Ministarstvo i dobitnici sredstava potpisuju ugovor o ostvarivanju projekata kojim se regulišu međusobna prava i obaveze.

(8) Svi aplikanti kojima su dodijeljena sredstva su obavezni da u svojim promotivnim i drugim projektnim materijalima namijenjenim javnosti, kao i u medijskim istupima, navedu da su projekti finansirani od strane Ministarstva obrazovanja i nauke Tuzlanskog kantona iz programa „Nauka“.

(9) Svi projekti koji budu odobreni u okviru programa „Nauka“ i realizirani u decembru 2026. godine smatrat će se integralnim dijelom programa obilježavanja Dana nauke u Federaciji Bosne i Hercegovine, te su aplikanti kojima budu dodijeljena sredstva obavezni da to navedu u svojim promotivnim i drugim projektnim materijalima namijenjenim javnosti, kao i u medijskim istupima, te o tome informiraju Ministarstvo.

Član 8.

(Izvještavanje o realizaciji odobrenog projekta)

(1) Korisnik sredstava obavezan je da po završetku realizacije naučnoistraživačkog projekta Ministarstvu obrazovanja i nauke Tuzlanskog kantona dostavi finansijski izvještaj o utrošku dodijeljenih sredstava.

(2) Finansijski izvještaj sa fotografiskim zapisom se podnosi u roku od 30 dana od momenta realizacije sredstava na posebnom obrascu koji je sastavni dio ove Odluke (Aneks II).

(3) Nedostavljanje ili neblagovremeno dostavljanje izvještaja iz stava (1) ovog člana smatra se neispunjavanjem ugovornih obaveza i može biti osnov za djelimični ili potpuni povrat dodijeljenih sredstava, u zavisnosti od stepena realizacije projekta, a u skladu sa ugovorom.

Član 9.

(Stupanje na snagu)

Odluka stupa na snagu danom davanja saglasnosti Vlade Kantona, važi za 2026. godinu, i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-35-000670-9/26
Tuzla, 17.3.2026. godine

MINISTAR

Dr. sc. Ahmed Omerović

Prilog I – Prijavni obrazac

PRIJAVNI OBRAZAC ZA PROGRAM: OBEZBJEĐIVANJE I ODRŽAVANJE NAUČNOISTRAŽIVAČKE OPREME I PROSTORA ZA NAUČNOISTRAŽIVAČKI RAD

Naziv projekta:	
Traženi iznos sredstava:	
Iznos sredstava obezbijeđenih iz drugih izvora:	
Ukupna vrijednost projekta:	

1. PODACI O NAUČNOISTRAŽIVAČKOJ ORGANIZACIJI

Naziv naučnoistraživačke institucije:	
Adresa:	
Ime i prezime rukovodioca naučnoistraživačke organizacije:	
Broj telefona/telefaksa:	
Internet adresa:	
E-mail adresa:	
Kontakt osoba za instituciju:	

2. VRSTA PROJEKTA (označi sa X)

Nabavka opreme	
Održavanje/servisiranje opreme	
Adaptacija laboratorijskog prostora	
Akreditacija/certifikacija laboratorija	

3. PODACI O PROJEKTU

Naučna oblast i disciplina kojoj pripada:	
Vrijeme potrebno za realizaciju projekta (u mjesecima):	
Predmet i cilj projekta:	

4. POVEZANOST PROJEKTA SA STRATEŠKIM DOKUMENTIMA (obrazložiti):

--

5. OPRAVDANOST I FUNKCIONALNA POTREBA ZA OPREMOM (obrazložiti):

--

6. OBIM KORIŠTENJA I DOSTUPNOST OPREME (navesti broj istraživača i timova koji će koristiti opremu i opisati dostupnost opreme drugim organizacijama)

--

8. ODRŽIVOST I KAPACITETI ZA KORIŠTENJE OPREME (opisati način održavanja i korištenja opreme)

--

9. REFERENTNOST APLIKANTA (realizirani projekti iz različitih segmenata NIR-a)

	Realizirani naučnoistraživački projekti (u zadnjih 5 godina)

	Realizirani stručni i komercijalni projekti (u zadnjih 5 godina)

10. OBEZBIJEĐENA SREDSTVA IZ DRUGIH IZVORA (navesti tačan iznos i izvor sredstava)

--

11. FINANSIJSKI PREDRAČUN PROJEKTA

Vrsta troška	Ukupan iznos sredstava (KM)	Iznos sredstava traženih od Ministarstva (KM)	Iznos sredstava obezbijedenih iz drugih izvora (KM)

VODITELJ PROJEKTA

ZA INSTITUCIJU

M.P.

Uz popunjen prijavni obrazac za finansiranje ili sufinansiranje prijedloga projekta potrebno je priložiti:

- 1) saglasnost za prijavu projekta od strane nadležne naučnoistraživačke organizacije upisane u Registar
- 2) potvrdu nadležne naučnoistraživačke organizacije da projekat nije u potpunosti finansiran iz drugih izvora,
- 3) specifikacija potrebne opreme, sa tačnim nazivom opreme ili dijela opreme za koji se traže finansijska sredstva; vrijednost navedene opreme ili dijela opreme mora biti u skladu sa planiranim sredstvima Ministarstva za ove namjene i ne smije prelaziti vrijednost navedenu u pozivu.
- 4) u slučaju da je projekat vezan za akreditaciju laboratorija odvojeno prikazati troškove nabavke opreme i hemikalija, od troškova akreditacije (standardi, auditi, interni auditi, umjeravanje uređaja itd.)
- 5) dokaz o visini finansijskog učešća naučnoistraživačke organizacije ili drugih relevantnih subjekata, sa navedenim iznosom i procentom od ukupne vrijednosti opreme (ugovor/sporazum sa privrednim društvom, drugom naučnoistraživačkom organizacijom, ili drugim subjektom, sa jasno navedenim iznosom obezbijedenih sredstava, izjava o vlastitom finansiranju dijela troškova, potvrda/izjava naučnoistraživačke organizacije o iznosu i namjeni obezbijedenih sredstava)
- 6) ponude isporučilaca hemikalija, ponude za opremu koja se traži, odnosno premjer, specifikaciju i predračun radova ukoliko se radi o adaptaciji prostora za naučnoistraživački rad.
- 7) identifikacioni broj institucije i spesimen potpisa sa brojem žiro računa, odnosno naziv banke i broj žiro računa pravnog lica kod banke i filijala (za pravna lica fakultet/univerzitet);
- 8) druge potrebne dokumente kojima se dokazuje ispunjenost uvjeta iz Javnog poziva.

Prilog II – Obrazac finansijskog izvještaja

**FINANSIJSKI IZVJEŠTAJ
o utrošku sredstava dodijeljenih po javnom pozivu za Nauku**

Korisnik sredstava	
Kontakt podaci	
Svrha dodjele sredstava	
Broj Odluke o dodjeli sredstava	
Odobrena sredstva	
Utrošena sredstva	
Vlastito učešće	
Sredstva drugih donatora	
Datum uplate sredstava na račun	

Mjesto i datum:

M.P.

Potpis ovlaštene osobe:

NAPOMENA:

- Uz finansijski izvještaj kao dokaz o namjenskom utrošku sredstava obavezno priložiti:
- Fiskalne račune i odgovarajući račun A4 formata (potpisan od strane ovlaštene osobe i ovjeren pečatom) o kupovini roba ili pruženih usluga,
 - Dokaz da su računi plaćeni (kopije uplatnice/virmana ili izvod iz banke iz kojih je vidljivo da su obaveze za nabavljenu robu odnosno izvršenu uslugu plaćene),
 - Fotografski zapis

Pregled planiranih i ostvarenih troškova prilikom realizacije projekta

Rb.	Vrste troškova	Planirana/Odobrena sredstva (KM)	Utrošena sredstva (KM)	Razlika*
1				
2				
3				
4				
5				
6				
7				
8				
9				
10				
	Ukupno:			
Neutrošena sredstva (KM)**:				

* U slučaju razlike za svaku stavku priložiti posebno obrazloženje i dokaze

** Ukoliko postoje neutrošena sredstva izvršiti povrat na:

Transakcijski račun Budžeta Tuzlanskog kantona broj: 1321000309441357

Šifra prihoda: 000000

Općina: 000

Sa naznakom povrat neutrošenih sredstava po Odluci o odobravanju sredstava broj: (navesti broj i datum odluke)

Dokaz o izvršenoj uplati dostaviti na adresu: Ministarstvo obrazovanja i nauke, Muhameda Hevajja Uskufija 1